

小重山房詩詞全集

黃河北抱太華西來此中參錯七十三縣廣袤
二千餘里大吏平日亦惟是化洽噓春風清坐
嘯而已今年正月華亭中丞入
觀奉

命校關中兵因得按行郡縣省民疾苦數月來
代雲燕雨馳驅簡書渭水秦山諮詢農事眷懷
風土形諸詠歌皆於坡老輿中歐公馬上興之
所至揮灑出之返轅得若干首釐爲四集冠以
肆觀用付剞劂自三代下輶軒不登風謠聞歇

閭闔井里猶隔膜視斯集也一以蕩鹽荷飯貢
北行途次覓聞一以麥隴瓜疇繪西京太平景
色謂不徒於學子增識且於臨民者有裨云
咸豐元年辛亥屬吏張其勣謹識

肆觀集

華亭 張祥河 詩舲

靈石

殘雪照輿背，雞聲在翠微。
晉山皆北向，汾水自西圍。
草靨紅泥堰，桃符白板扉。
感懷舊令尹，鄉思一沾衣。

謂顧荃士姊壻近歸道山

介休

巉巖負初旭，可惜走巖陰。
駐馬繩橋窄，容人土屋深。
禁烟看寂歷，關樹入蕭森。
綿上田何在，遐

哉介士心

淮陰侯墓

河漢蒯生語勛名一代尊忍能出人下貴不背
君恩矯詔終無據藏弓未足論竹竿坊下路伏
臘薦雞豚

壽陽卻寄祁淳甫相國

換軸巾車上土陌此車行至清平十里訪祁莊晉

中北相兼南相趙鼎度今代沙隄數壽陽

古驛韓亭拜下風在昌黎詩江南北李寄懷同

青溪慧曰梅千樹畱得公詩孔宅中

公在江蘇學使任修

孔宅落成後刊詩
慧曰寺萬梅花下

南天門

侵曉天門闕迎陽馬首東
且前且卻步愈上愈
摩空鑿石鏗鱗甲穿林駭
雨風勞勞行役者何
宦到蠶叢

核桃園

螺旋蟻轉過天門不見當車怪石蹲
莫說山中
山市少梨灣東去核桃園

獲鹿

不須更唱陟崔嵬漸見人家傍翠隈茗盃飽嘗
激水去筇輿橫跨太行來土門村外平沙盡銅
佛庵前晚霽開聞說翰林新奉詔講筵仍許
執經陪

述職紀 恩四首

民康物阜靖三邊展觀西秦達北燕 鳳藻薦

溝咸仰 聖御書惠濟廟 龍顏黼座乍瞻

天萬方銀穀 恩綸沛元旦普免兩粵鞮鈴

武畧宣請看十行 批答下丹臺 世廟有

心傳

園樂不傳 宸駕幸 慕陵迴蹕 孝思長紀

元書協咸豐象 繩 祖詩編履信章有編校履

信書屋 鴈鷺臨池皆潔白 駕駘見 主向騰驤

蒙垂詢臣 年六十七歲 禁中舊是鳴珂地 衣袖重沾

玉案香

畢心延訪肅羣僚 宜召恩多不次邀召對五次

御帳觀書常子夜 皇畿報雨及花朝 直言左

右 虛衷納清氣乾坤 大筆超尤見 敬修

加忱勵太和玉燭四時調

巖疊西脊 帝言該豐鎬周京入望來地勢秦

中千沃野民風隴右一春臺寅懷夙夜修臣職

德意朝廷喻 聖裁舉劾分明勞怨任獨慙

鼯勉是樛材

又一首

射法 垂詢幾力弓閱兵奉 命統關中

垂問射法

立奉 特派簡閱 平生畧解詩書畫何幸虛名

陝省滿漢官兵

達聖聰諫院以詩書畫爲妨政務具奏屢蒙訪問至是釋然

滹沱河

鞭絲帽影互縱橫斜日金隄相向明
喚渡船頭飛浪過看山馬上峭寒生
遠鐘大佛待方傳梵雄鎮東垣正繕兵
制府將至正定關兵我亦銜恩叨簡
閱縛雞何以答昇平

井陘至故關凡三日

背水思韓陣中山望趙陵今朝井陘口
被襖綠波激沙淨苦無著春寒柳不勝
野人來曳緯邪

許最高層

鳥道極空碧
荒野燒斑
霸圖人代速
奇險土門閒
煙際明
澍水花時出
故關無因動
塵念四面飽看山

桃園連柏井
八里一橋橫
晉趙方通道
風煙欲抱城
澗腰春碓
穩峯角戍樓
明邂逅西來客
崎嶇爲玉京

娘子關前路
來龍盡太行
羣山爭岌嶭
曉日撼滄涼
舊氏懷皋落
荒城指昔陽
七雄鏖戰地
回

首陣雲黃

平定州

蒼松壓架水潺潺上艾城南策馬還可惜念念
拾殘句六賢堂裏弔遺山

太安驛

昌黎題驛壁詩不見園花兼巷柳馬頭惟
有月團團或以花柳謂公二妾絳桃綠柳
何傳會之鑿也

郵壁題詩一代豪馬頭春夜月輪高當年奉使

邊庭亟那有閒情及桺桃

郭有道墓

中郎碑版照千春
黨禍桓靈可慟人
但看墓槐青不改
褒衣博帶獨全身

介山初見桃花

兄妹心期本不同
清明吹暖積薪風
介山妬女祠邊水
初見天桃似火紅

兩渡鎮

犂确殊未已
郵籤數幾城
龍蛇從外返
雀鼠履

南行面霍層巒出臨汾兩渡橫回頭綿上聚忌
阪太無情

雨後次聞喜

霏霏暖靄入中條雷首蒲東望尙遙山色半明
還半晦泉聲疑雨復疑潮平淮曳石韓文壽破
粵飛章漢武驕漫信遊仙詩七首何來翡翠戲
蘭苕

書裴晉公佚事

坦腹非衣識語傳通犀還帶寺門前金瓶黃帕

元和賜正及雞肥酒熟年

福先寺裏古碑殘大度如公把酒閒卻笑白媒
皇甫湜千言未必服香山

樊橋

菜花黃一片風蝶弄初晴
窈水松陰合樊橋麥浪生
餅香延晷影茶熟聽河聲
太華招歸客銜恩白玉京

渡河

飛蓋重岡外關雲入望來
危檣神鳥下側阪野

桃開柱勢三門迴灘聲萬錦回涉波忠信在談
笑亦悠哉

潼關

百雉迴環上下岡風陵渡口樹蒼蒼已分華頂
三重翠特讓河身一曲黃巢寇何來穿禁谷曹
瞞空笑據胡床清時虎豹馴關隘不藉連城更
設防

古設十二連城
於禁谷之西

蘇軾集

藍橋集

華亭 張祥河 詩舫

嶽廟雨後登五鳳樓

飛閣層霄上蓮峯暮靄中雉垣圍鬱鬱虬樹徂
葱葱何異青坪望真教紫闕通廟田三百六開
士說年豐

敷水

華陰雨後土新犁敷谷橋頭逞馬蹄豆麥揚花
畝南北鳬鷺將千水東西

流鶯喚客過前溪
溪上風斜笠影低
夾路垂楊無限思
倩誰濃綠畫蘇隄

渭南

王起東池柳似煙
異花亭子百花妍
漢家蓮勺宮何在
猶記銅鑪五鳳年

華清池大雨

東來小駐雨中車
苑徑宮牆故故斜
疑取玉峯洗頭水
傾盆澆上玉蓮花
浴罷華清有所思
最難自信畫書詩
山中可有

還丹服七日湯池去故皮

寄竹初弟

南榮牡丹開睠此穀雨節春潮門外長修竹坐
中列香念土龍癖久與橫雲別曩歲聯床詩按
部一再閱曩在山左作按部聯床圖

藍田

閒道指藍田行旌路折旋亂山蒙白雨深轍走
紅泉直欲躡霞景真看生玉煙弓刀明小隊已
及灞河前

雨足郊原後迎輶老稚歡大田鋪錦芻斜日挂
銅盤峽轉蛇行曲橋橫象渡寬藍關青入望漸
怯袂衣寒

輞川

華子岡頭起暮霞停輿一訪石丞家昔邀裴迪
聯吟屐近見敖英展畫叉歸隱從知懷薛荔進
身不信借琵琶桃源一唱漁舟晚四景多於兩
岸花

自信前身老畫師千秋輞水畫中詩空林積雨

剛晴後墟里孤煙欲上時
斤竹嶺邊風簌簌送
鐙崖上月遲遲夜春還向疏鐘答清妙天機孰
與斯

秦嶺

卽七盤山

昇夫屏息蹋雲根
入耳牀牀澗壑翻
百仞更宜
加緯力七盤已足盪
詩魂穿林隱隱磨
廢跡除
道明明斧鑿痕隔嶺
人家看過客
山椒還啓小蓬門

岩巖重扼三秦險
變幻真該五嶽形
悟得荒祠

寄仙蹟思將奇句答山靈挂空飛瀑龍涎白迎
客危崖鬼臉青恰喜雲逵安穩過平生繭足未
曾經

度嶺至藍橋

一盤拾級如行空二盤直上雲隆隆三盤雲氣
袖可籠兩手幾欲摩蒼穹四盤五盤虎豹叢羣
山兀兀大小宮與人牛喘啞且韓蹄鐵爍火千
磨礪六盤泉流佛髻中如練如雪如長虹七盤
石髮含青葱古木不辨椅漆桐始見一樹山花

紅從來秦嶺稱傑雄誰與盤險開鴻濛潮陽戍
客何忿忿雖有湘子詩識工中原不必悲途窮
我今度嶺日曛曛恩光頂上天幘幪風門一
到號天風下坡亂石堆玲瓏兩崖夾水區西東
坦路會有藍橋通

藍橋

名花開頃刻雲氣自英英先覺惟湘子凝情有
尾生韓祠今地望藍田商州均裴杵亦天成一
讀神仙傳關河壯此行

牧護關

衝風行綬綬鎮日聽潺潺
翠開詩徑長煙架
筆山猿聲鐘梵外虎跡洞門間
過險思平砥垂鞭牧護關

道中書所見

峯角花穠不可攀
峯根草長又誰刪
駛從急澗聲中過
樵向濃雲影裏還
千百杉松排岸直
兩三鴉雀啄泥閒
好山惆悵無人住
竹屋何嘗著一間

圖名寂寂玉溪館荒荒曉柳城風流斷還續錦
瑟若爲情

輞水迴車輞樓山疊石樓銀河落中夜紫塞接
高秋吠犬漫天雪啼猿獨客愁空餘元白輩憑
弔到山邱

一釋水經注懷哉趙一青青泥嶺名兀兀素漥

自盈盈莽繞西南谷雲盤十二綰風涼原上景

請向礪山行

古意

紫芝早餐孰與分白石煮爛仙所云登杵嫩香
耐咀嚼可是青泥坊底芹

今意

往來秦嶺趁蕭晨身染雲煙不染塵歸去海棠
開過了藥闌飽看十分春

書右丞佚事

崔縣君傳母塔碑畢公

秋帆先生

重爲翦茅茨宮槐

陌上蒼黃日白社拙身惜較遲

空鎖柴門不自由白頭應有伴窮愁霓裳識曲

第三疊腸斷招坊庾敬休

伯仲同居一輞川西莊也使賣文錢莊門誤扣
殊堪笑大作家還在那邊

郭忠恕筆已清妍不及先生筆自然聞道斯圖

能愈疾高符仲語太虛傳

素太虛閱輞川圖而病愈

示商州陳牧藍田方令

供帳前途一例裁短衣匹馬累君陪莫言山店
不堪佳都自破窗風雨來

湘子洞

命從者代遊歸述其概

言尋湘子洞洞小路昏黑秉燭進里許高下身
偃仄初爲匍匐行漸可腰腳直耀人忽光晶白
石淨如拭遽廬穹其頂鐘乳細於滴無草更無
苔不喧亦不寂天然現古佛佛面澤而皙座右
蠹浮圖獅子蹲在側纓絡千蒲萄勻圓滿垂壁
九龍口流涎鱗爪宛雕刻奇哉仙人骨不信久
勿蝕湘子具鐵象客拜戒緘默禱雨此最靈二
井深莫測

行館坐雨寄程玉樵翁

君詩一味清老筆盡取適余亦選揮灑盪曾自
怡懌與中長短吟笑謂賢於奕今朝度嶺歸青
門望咫尺雨行何聖爲雨坐各天隔有懷白社
風欲寄丹江石

𠂔𠂔

𠂔

𠂔

𠂔

北山之什

華亭 張祥河 詩齡

三原

截薛山頭一徑斜
雙渠鄭白養禾麻
渭橋秋草無邊綠
愁絕燕脂落漢家

何處幽樓可避喧
開池引水接涇源
吾宗竹樹

芳鮮句心折三原李氏園

張文昌李氏園詩竹樹芳且鮮

耀州

沮流西繞漆東經
石嘴山前九點青
二麥登場

風日燥迫涼都上富公亭

元洞無由叩邈師病梨樹下照鄰詞我來要拭

看山目雙石盆畱洗藥池

盧照隣病梨賦爲孫思邈作

柳誠懸墓

一展符璘帖餘碑多闕然纍纍柳家家何地拜

誠懸

銅官

北山扼險襟喉地轉轉坡陀曲似弓金鎖關臨
神峽上銅官川合漆流東烏雲剛濺懸厓瀑白

雨還吹側笠風招得涼陰護行旅送茶亭子曰
方中

孟姜女祠

隻身負得范郎還三日成昏別淚潛石鏡能圓
歸地下長城空峙在人間娥江一律啼聲急湘
竹千秋血點斑愴絕望夫臺下路鳥飛不到女
迴山

宜君

吹客天風峭高城跨嶺端龜山形帖帖鳳谷勢

北山之什

二

盤盤營月中宵朗征袍五月寒玉華唐故苑見
說已摧殘

中部

軒后橋陵閼秦王劍石穿五峯仙合掌中部客
停鞭谷吼纔馴虎宿宜君風吼終夜早寒起林
炎欲噪蟬東皋應過訪挂甲柏參天

洛川

午飯在交口風疏塵便清祖山屯白起天塹度
紅旌盤馬頻紆徑吹螺直到城聞詢蒲擲寺無

復有基聲

壽民張毓良九十三歲率鄉老叩迎道左
特賞銀牌詩以志之

老壽柯山未有涯黃衣泥首路三叉看君邈邈
鬢如戟或者三丰是一家

鄜州

南朝中部郡西掩直羅關五時此其一三川相
與環羌村話天寶杜老憶雲鬢今夜團團月多
應照柏山

山少陵天寶中避祿
山之亂寄居羌村
北山之什

偶效甌北體

接子河頭石作梁
松閒行帳設茶湯
往前曲澗潺潺響
澗上無風也是涼

前山如導後山隨
轉轉彎彎合復離
山亦弄人高下手
愛山人特未曾知

州牧送寶室寺鐘銘搨本

銘三百字唐貞觀
出土康熙字字明
憶到雍州金石錄
城南樓角曉鐘聲

甘泉

伏陸風雪接地陰盤雕大野任縱橫雨過筆架
山猶潤日落金盆灣更明上郡相沿秦漢屬清
時成就范韓名甘泉一勺君嘗取蔗境還應視
此情

延安

飛蓋原荒緬昔遊懷堂遠在柳湖頭今宵一宿
金明驛未到清涼卻已覺秋

杜陵有詩塞蘆子白傅有曲城鹽州一樣屯兵
勵諸將秦原秋草不勝愁

清涼山下

夜雨放朝晴迎眸衆綠明川迴浮騎過崖凸側
興行漸覺襟帷爽還嫌鞅韃輕清涼眞世界不
負此山名

郝家灣

靠水行三日延川奈爾長纖蘿蒙虎穴白浪蹋
鼉梁入耳江濤沸扶頭客夢涼不知坡路險亂
石散羣羊

清澗三首

折坂入城路縱橫
斧壁斑鐘聲石臺寺雪色草
場山暑月捐羅葛頽峯失髣髴黃流界三晉極
望老鴉關

居人避山僻戍卒亦羅羅壞樹篆科斗危坡蹲
駱駝難招靈淑氣但接混茫波千古春閨夢邊
城無定河
輿夫告奇險路陡縛繩鞋牛飲泉生穴揉升纜
挂崖漫空惟鳥道絕頂是天階九里忿忿過風
煙盪客懷

韓蘄王廟

盤道輒數仞烏云一步厓繕兵謁名將擁纛憩
雙槐南渡功無敵西湖隱亦佳英雄此明哲風
月入高懷

自綏德至榆林四首

疏屬山高出女牆赫連臺古樹蒼蒼紫煙塞影
畱殘燒白日河聲下大荒射目天終誅闖賊騎
驢人盡拜蘄王遙遙五代龍泉廢要與綏州說
魏唐

街塵嵐靄兩邊生
卓午驕陽暫駐程
涼蔭馬知穿樹過
水風人愛傍河行
定卽無米脂稜稜肥田
繞煙洞沈沈大石橫
我喜巖臺行保甲
更無吠豹夜來驚

記星山多陟翠微
全秦北面一牆圍
重關日上朝吹角
大漠風高客振衣
括地圖成賅白翟
奉天詔下拜紅旗
書生忝爾戎兵詰
敢說熊羆

懸指揮

紅黑雙峯

紅山黑山馬耳尖
榆林倉寨盡蒙
鹽牙幢

北山之什

六

令向三邊肅紗帽仙詩從萬里添
藪麥河看風日墮葭蘆川想雪
霜巖楊家城裏三株樹可有
神光覆畫檐

扶蘇太子墓

嗚咽泉邊落照斜扶蘇淚盡滴宮花
雕陰秋雁來何暮門外芙蓉戍客笳
坐擁重兵三十萬死忠死孝共千秋
至今對峙蒙恬墓仰藥都忘趙李謀

雜詩

二月南天門上過三春秦嶺閱兵歸北來步步
皆山徑始覺前塵未足稀

澗草無名撲鼻香巖泉有味匆來嘗山家絕頂
安心住雪作鑲廬石作床

開山心計亦云勞不解堪輿笑爾曹起伏來龍
爭結穴萬千氣象一城高

四時丹翠錦屏張太乙神宮行帳旁一霎狂風
沙礫過澹黃月子上邊牆

望雨

北山之什

七

適館魚河堡葵榴界作樊風沙連夕燠星斗極
天繁氣自金輪轉雲從大澤翻會看龍挂尾行
雨徧秦原

魚河

魚河新築一隄橫從此河流不逼城費盡千夫
百夫力今年沃壤烏催耕

銀川驛

一雨郊原萬綠生長堤馬足踏莎聲烏雲飛過
銀川驛得此新涼綏綏行

返旆榆關道阻長關前風柳綠成行清時無定
河邊過滾滾黃流送夕陽

贈江友竹州牧

山田曄確道新除雨後涼風襲客裾千里河聲
下紅峽五原草色入藍輿雕陰適館聯清話鴻
蹟摩厓稱大書知汝風流爲政在振頽起廢十
年餘

何小謝太守勸榆林民婦養蠶已有成效
寄示色絲十束光潔可喜自此導以織紵

興利邊方余實有厚望焉

榆塞稠陰早種桑養蠶良法始黃堂已催上簇
絲千繭但遲攀花機九張尺素緘書知勸織女
紅得利肯攜筐他年傳說何公絹我喜觀成在
朔方

九里山

朝發石觜驛再登九里山蒼翠夾路上煙靄羣
峯環百丈齊口號三霄可手攀高牙立武廟絕
頂臨秦關升香雨正缺降澤神弗慳片雲如兒

挽李石梧制府

炎瘴難勝客體孱
大星一夕落榕關
養親未得終華谷
死事真教重泰山
煨芋念念鑪火盡
撫琴寂寂井梧閒
沅湘問訊諸耆舊
可夢先生跨鶴還

自洛川僦行至宜君百四十里

三旬飛旆此經過
官渡沮河接洛河
路似功名循格上
山如文字患才多
忽吹帽處肌生粟
偶斷橋時骨沒波
今日兼程趨殺剏
唐經無暇訪

北山之什

士

蒲羅

重過軒轅陵憩柏樹下

漢武何年挂甲裳求仙有術效軒皇
橋陵疊翠盤輿繞特地來聞柏葉香

行至偏嶠呂令小潭餉瓜

入門見汝已清涼亟命材官出碧筐
百里驕陽馳赤繖一盂新汲擘黃瓢
快人難得先期熟當暑無如此藥良
堪笑移時仍把酒不教換我熱心腸

再宿宜君

寒入宜君暑不存地非風穴卽風門往還兩宿
山城上江海濤聲徹夜翻

更無蠅蚋鬧昏蟲金鎖居然不漏風避暑唐宗
眞得地年年飛白玉華宮

草木瓜子

入饌訝新綠山中見亦初蚌珠千顆落蠶豆一
簞餘鑪熱橋陵柏盤登府谷魚同時擅清妙信
美足供余

甌北詩題後

三家袁蔣共扶輪繡到弓衣
句子新老學常存
千古想名花自負十分春
先生詩名花拈來雅
俗天成語乞得山林自在身
讀罷揮毫幾欲肖
亮哉尤物足移人

同官雨行

屹羅寺古草全荒虎距山前綠
繞莊行雨烏龍
剛下挂出犁黃犢已成行
渚蒲滴滴青磨劍牆
蔓垂垂紫坼囊候館有情畱
暫駐濺泥錦障聲

亦何妨

輿夫皆蜀人隨余三年詩以勞之

累爾崎嶇上玉京北山又踏石庚庚八人也覺
頭銜重萬里何知足繭生果下馬皆能細步草
中蛇自快長行原田舊誦每每句得息肩時買
犢耕

寄幕中諸友

得句輒郵寄諸君橐筆豪別偕端午酒歸及渭
南桃棗板開雕速松棚補蔭高近櫟括待聽瓶水

北山之什

十三

瀉竝念到兒曹

訪三原李氏園憩白蓮池上折花而回

唐園猶是主人非

今歸劉氏

懷古人來憩夕暉六代

未經兵燹擾三原僅見竹松園遊廊曲曲方通
勝釣渚盈盈可息機莫是前身張籍過酬詩折
得一花歸

秋闈前課關中書院諸生示校文諸君

授簡涼堂夜燭明槐黃又喜集羣英文如二曲
流無盡名到三峯秀共爭樊圃年年栽樹法鈴

齋面面讀書聲因君觸我憐才恨持論何爲替
不平

辛亥監臨秋闈雜詠之二

文戰東西兩翼交鎖關內外卦分爻白袍立鵠
看何盛空谷鳴鐘應不淆人海漫漫魚跋浪屋
梁歷歷燕尋巢桂花香裏題名早轉瞬遷鶯上
杏梢

唱名

五更星斗煥文章貝葉爭飛選佛場壓架臨風
排東東掀簾帶月認行行夜光要使心情撰寤

想何如腹橐強往事
鄒生曾授簡一番見獵一

相羊

散題

明遠樓

飄殘槐雨入秋闌
又向高樓一振衣
晚照城西過鴉陣
吾齋應有數行歸

南山人集

南山集

華亭 張祥河 詩舫

咸陽

馬首南山指渭河又渭河宮花阿坂寂陵樹畢
原多春鋪除新道旌旄射素波出郊心事慰久
雨未妨禾

興平

大馬務前清渭曲肥牛亭外賜莊荒崇甯猶刻
橙軒句縣市剛來壓擔黃

宋彭迪明橙軒詩刻
舊在縣治前淨相院

馬嵬

馬嵬坡接漢宮斜竹樹黃山不受遮女伴拾將

香土去可能人面盡梨花

土白如粉可以蘸面

花顏銜塊太無聊軍事何堪意動搖題到扶風

端正樹情天舊誓早勾消

武功

雍原一帶鳳岡斜貞觀頻年返帝家慶善宮中

歡宴日關心昔樹發今花

硤石詩人姚武功印床棲守一官窮野田風雨

莊莊句伯仲蘇州有寓公

扶風

前林紅萬點山柿絢朝暎漆水隄身繞飴原土
脈溫風煙三時合祠廟四班存我欲多賢式賢
隴還尋絳帳村

岐山

終南肩聳翠天柱背環青古堞高鳴鳳荒原黯
落星引渠谿水澈被阪野花馨道左鄉民集停
騶問大齡

紅水河

石根齒齒水潺潺紅水河頭白一灣
卓午茶亭回首望晴雲已罩鳳凰山

東湖

湖也真何幸坡仙宛在茲
游經黃穎惠衆仰畫書詩夜醉談
山後朝參諷客時杭州隄上月一
樣夢中思

引得鳳凰泉三潭斷復連
荷穿盤上雨萍掩鏡中天
短的隨人曲層樓倚樹偏
牘看紅蓼影遲

媚晚風前

老樹幾春秋年深勢鬱迢當門疑怪石臥水儼
虛舟鏤墨何人待焚香此境幽詩成飛騎送燈
火滿林邱

拭到塵中眼題楹半我鄉

謂秋帆進庵蓬心三先生

客來瞻

象肅吏退讀碑忙鐘鼓嚴城暮龜魚大地涼公
詩日游再再宿我何妨

喜雨亭

與民大歡喜亭以文得名公判鳳翔日僚屬皆

心傾引流兼種竹公暇有餘清我朝裁冗員地
與郡廨并場來憩亭上林木秋風生并眉舊泉
冽籬眼殘花明一記樂其樂我亦關民情今歲
兩月雨漚漚郊原盈鎖闥催耆較檐溜無停聲
禾黍正秋斂中夜常迴縈出城幸開霽大野鋤
犁輕闕武至西鳳_營馳道平復平昔者公喜雨
今也我喜晴

寶雞行館

玉淵金陵合行臺古號城四窗延暮靄二水_渭

送秋聲入棧明朝路持螯此夜情吾宗題壁在

詩膽壯書生

張船山太守有寶雞題壁詩

寶雞至黃牛堡

飛瀑籠煙不見村雞峯路轉草香溫煎茶坪上煎茶去無數秋山在益門

十里東南石鼓山磻溪遠望釣臺閒秋霜已近重陽節楓葉紅過大散關

古瓦何年識羽陽銅磚風雨漢文章唐碑新出陳倉士誰問河關十一娘

隄曲沙明指渭河河頭日暖不生波雙橋界作
東西渡先讓弓刀小隊過

瓊瑤塞路水泠泠琴筑聲中勒馬聽小店溪前
數間屋亂山紫翠爲開屏

八弓原接漫山草三疊泉分滿谷流堪笑南人
初試險揮將塵尾問黃牛

雨行至草涼驛午後放晴

長煙縈棧白急雨逼衣寒瀑界千重翠林攢萬
葉丹厓高扶勁繚礪缺補危闌鳳嶺聞奇險摩

霽路幾盤

向午仍開霽台坡近鳳州遠巒鬟尙濕垂柳手

同柔

宋人謠云鳳州

霞采紛紛落雲容漸漸收

路長游憩處不任片時畱

鳳縣

風煙莽莽入氏羌快馬輕裝過草涼唐藏北通
秦隴曲鐵川南接黑河荒老林無計開屯地故
道何年變獵場惟見巉巖離復合照山炬火又
昏黃

鳳嶺

何人混沌後鑿險出天表上嶺驚陡絕幸而百
盤繞愈高氣愈寒不見有飛鳥後隊已峯頂前
旌尙木杪山家棄石居蒼翠割昏曉人煙尙稀
集虎狼必紛擾是以設營卡黃旗綽叢篠弓刀
列森森牌甲看了了我來正雨後霽日光晶皎
拾句霄漢閒白雲與縹緲

又二首

去天剛尺五奇險亦天成宿雨龍涎挂秋風鳳

翼生萬山爭地立千騎送人行一下心紅峽霜
楓照眼明

萬千堆亂石急峽走銀濤縋險徐徐下摩空轉
轉高巽香出林薄冷色上征袍雲棧尤佳處斜
陽極望勞

留侯廟

陳留食邑漢時功紫柏連山廟祀崇師石友松
全學識報韓事沛出英雄仙遊晚辟人閒穀武
曲高懸鳥盡弓第一名區林木秀畫眉關裏動

秋風

棧中雜詩

九月霜花二月紅更看連理樹撐空柴關菜把蓮花白付與行廚夜饌充

入廟略沾蔬笋氣登山方見柏松心道人磨墨經窗待不厭黃庭一再臨

山店將題九日餽堊花插甕賣村醪冷泉快口人多癭危磴妨蹄馬欲噪

去漢襖斜走馬遲韓侯不奈鄩侯追好將此段

金河水洗出寒溪夜漲碑

老鴉山色曉曠曠惻惻輕寒谷口風除道何年
賈司馬棧雲飛過武關東

煨石開荒不日成萬夫移得石縱橫閻王碣作
觀音碣樂府爭傳棧道平

連岡叢莽雜榛煙怪石谿谿仄路旋廿四馬鞍
橫跨過一橋鐵索又當前

莽莽黃沙古戍連擣衣石爲女郎傳廉泉讓水
梁州宅心折南齊范柏年

大筆微之與可之褒城驛外艤舟時牛頭寺有
東坡蹟併入吳儂出棧詩

畱壩

急景趨畱壩先焚紫柏香市喧爭岔路山峻失
斜陽籌竹圍天碧籬花對客黃神仙何處是夜
夢落青羊

馬道驛

木葉下蕭蕭星河夜動搖礮聲驚穴鼠齏影避
山魃馬道穿林僻蠶叢接棧遙十牌聯一甲所

望重科條

平生看山癖所到撤簾櫳
土屋層層敞郵亭面
面空鐙明嵐靄裏酒盡水聲中
萬頃民田賴烏
龍一脈通

夜聞灘聲不寐

勢急風兼雨灘聲擾客眠
激來湍石外喧到枕
兩邊兵甲天河洗蛟龍
地軸旋夜長春萬米人
巧碓樓偏

褒城逕趨漢中

策馬青橋驛天高手可攀七盤千仞表一綫兩
崖間螺髻看飛瀑雞頭認故關此行褰機止空
望定軍山

木閣燒殘後藤蘿不計年危厓真可攀惡石孰
能鞭隴樹由來直秦雲自爾妍扁舟落吾手定
在漢江邊

關門入秋迴關檻倚初晴人結餐霞想天驚伐
石聲樵歌任來往詩膽要縱橫斜照從西下黃
沙路始平

橋柳沿村見清渠繞郭寬
猗公知獻果腐婢中
豆花勒加餐平野離天塹
高臺解客鞍更無衰
女笑花事九秋闌

漢臺

突兀平沙最上頭登臺一豁漢川眸
定軍山接風雲古拜將壇分鼓角秋
天際何人攀老桂江干到此見輕舟
蒼茫重讀漁洋句落照興元吸茗畱

九日桃花店

南山集

三市題饒客不畱征衣還帶漢臺秋南行城郭
垂楊淡東下襄樊畫幟稠載道鑪香猶鵲尾送
人山色尙雞頭黃花時節桃花店空憶春風滿
驛樓

城固

槎使泝天漢仙居留壻鄉從來志奇異未盡說
荒唐鷗鷗前灘淨榲欓曲院涼斗山誰吸月夜
讀聽琅琅

洋縣

莎輕土輓板橋霜一帶長林白屋藏
駕得雙虹
堦河上綠波春草夢橫塘

未得江鮮烹縮項已看楚米販長腰
謝村畧有
蠶桑景如雪新絲短竹挑

喚人排馬驛前聲水緩山舒路砥平
何物遠分
穰下美市樓金菊對金橙

倫紙龍亭問舊坊靈旗祠宇漢王章
一川晴日
忪忪過興勢山斜壓女牆

薑黃市地葉初肥何處煙波白鳥飛
水閣西頭

橋北頰青繒小蓋送人歸

詩三十景極清妍路入洋州快著鞭畫竹曾中
有千畝欲從與可叩真傳

披錦亭邊滿谷春二蘇妬煞白雲人當年夫婦
偕燒笋太守風流不礙貧

雲物真符大有人籌邊先得李嘉賓魏璫已劾

尙書老紅廟傷心殉甲申

謂李尙書遇知

綠竹無人更手栽幾經兵燹變蒿萊傳聞萬个
簣營谷七孔天成盡箇材

沈視遙分馬檻泉古隄麋趁研光牋敢拘崔顥
題詩例放筆瀟湘欲雨天時仿與可意
畫竹壁間

桑園鋪

衰草荒榛路縈紆出斷厓壤牆支舊碣秃樹架
新柴水活隨梯下田肥似鄧排客民雖占地開
墾亦云佳

西鄉

西鄉正對蜀東鄉大小巴山近頡頏七十二河
流汨汨發源金竹入金洋

巴山夜雨

銀雲欲合斗傾杓話雨巴山翦燭宵細響蕭疏

侵薜荔大聲拉雜上芭蕉吹林亟盼饒風名嶺霽

聽瀑應添聖水潮聖水泉明日旌旗齊列陣可

能卓午看霞標午子山日射處如赤城霞起

渡洋水至白沔峽

水漲橋低路幾叉山遮樹掩萬人家前溪看盡

紅黃葉西下斜陽在荻花

沙傾石墮太無情淘淘飛泉礙客行未出重岡

控商雒極天秋雨盡荆梁懸牌戶戶皆新甲樓
畝村村有宿糧不數斜河再三涉昨宵驟漲及
陂塘

河干

趙臺積潦未全消取道河干路不遙斜日高林
黃貼額長煙遠嶺玉圍腰千頭橙橘過山市幾
隊鳬鷺出渚橋沙輒興輕行得得任他官渡有
停橈

月河

洋州文與可惜未此閒遊流盡秦時月遙連漢
上舟冷冷環佩響瑟瑟荻楓秋客有西湖夢高
吟入權譌

九里十八彎

曲曲又彎彎步緊復步慢籃輿必懸空方能過
斷澗霜初草全荒雨後土新鏟長厓佛臂舒皺
石鬼臉扮導者駐旆呼從者蹶鞍盼陸行忽邪
許人力在腰襟上升雲覆肩下走水沒胛來南
李習之已盡秦中棧似此偏路險司空乃見慣

閱兵途次石泉接奉

恩賜御門聽政述志詩刻恭紀

元會當陽政一新

御門詩刻付琳珉萬山紫翠迎

天藻

三殿絲綸及下臣百爾須同難易做

一詩何啻典謨陳鏡歌尤切榕關望方略書成

六合春

迎峯壩

一徑入遐僻土堅黑墳壤石梯何巖巖如齒動
搖響不容單騎行強使笳將上陰厓輒三折坦
路不盈丈山鬼吟薜蘿山猿擲栗橡下溪水洶
洶大石堆柱礎度人出楓林偏仄易平敞

宗滌樓侍御條陳保甲事宜時余正查南

山戶版卻寄

西臺譽望日蒸蒸一疏真能先志承尊甫任湖

縣力行保甲全君憶華容千戶冊我添秦棧十
省俱仿照辦理家燈寓兵要使無藏孽讀法原推最上乘慙媿

丹臺褒答處巖臺時刻履春冰前奏查保甲批甚是

陳服紵觀察索詩爲贈

高秋摻袂漢臺前如此風光歷五年詩格欲追
冰柱上政聲何止繡衣傳皖中我記趨庭話吳
下君裁憶弟篇四海論交殊可念江雲渭樹故
依然

火地嶺

依稀赤焰燒田斑擦亂藤蘿太古還過兩人來
獅子壩停雲天盡鳳皇山龍湫直下三千丈鴉

陣高盤十二鬟陡絕真疑上天去卻看雞犬尙
瀛寰

火底塘

寒威蒼翠台卓午見翔陽鴈頂何年雪牛腰幾
宿糧葺裘教啓筭薄酒且傾觴板屋吟風夜星
河落大荒

腰竹嶺

積雪山程蹄鐵冷人家板屋荒涼境靠山短竹
齊人腰腰箇人來腰竹嶺我經秦嶺先商州藍

橋三月梨花稠茲行乃在嶺之脊玉花滿地興
人愁甯陝原通子午谷石羊雄關互起伏紅草
河頭水沒坪黃官峪口雲迷麓雪中碓樓水自
春野蔓漫山走玉龍蒼苔無情貼頑石素壁如
削圍長松天風吹人人欲倒連臂過橋就官道
但見舟移壑自翻不識天荒地還老

雞公梁

極寒快晴旭出險得平皋已化磬頭雪還喧木
末濤雞梁堆石瘦豹峪隔林韜古廟藤蘿上神

工結構牢

東江口

羣山礧礧行徑幽冷水苦竹皆名溝荒寒寂歷
有此境水竹並不知春秋當時廳營未建置兵
燹相尋賊氛熾乾隆年設五郎汛嘉慶增防四
畝地一從休養甦瘡痍戶版二萬三千奇老林
日漸廣墾闢楚蜀客民知土宜我今巡行到郊
藪徧閱干城武夫赴夾嶂重重鎖鑰嚴老關口
與東江口

菜子嶺

東江曉發市聲塵七里坡陀入野蒿滿地銀灣
官渡窄四山畫角成樓高斜峯削劣雲披帽大
石蒙茸雪擁袍桐梓松杉榆柳杏斧斤木客亦
勞勞
藏用難逃捷徑爭大橫日月照庚庚澗谿曲處
雕鞍影沙磧中間草屨聲樵子看人惟有笑山
花向客亦無情豹林峪裏懷种放誰擅端居作
賦名

夾嶺

夾嶺市湫隘調飢就酒漿雲爭雙嶺隙日漏半
山光洋芋青盈隴野棉白過岡禦冬應有具婦
子樂穰穰

關什至葦子坪

層巒三箭插傳說是楊家關什晴開霧山椒雪
綴花天魔森傀儡道樹絡村杈鐵索籠橋處飛
流百道斜
石級礙人鼻攙空石厂牢險將輿騎駭幸未雨

風遭萬點貼崖蝟千尋升木猿羣坪南去路應
見五臺高
日色迎寒淡濤聲破霽閒使旋三輔節身歷萬
重山營制由來肅方言到後嫻耆民存問徧愁
尙有恫瘝

牛頭寺

昨經子午鎮已是出山人今過牛頭寺陽春小
雪晨杜陵原浩浩韋曲水粼粼廿里青門近賓
僚慰遠巡

人記阮亭詩兼尋工部祠名區從未到我馬欲
何之竹樹擎雲裏川原釀雪時念念香積飯米
汁亦何辭